

Мал үвлзүүлгънд белдвр ода

ЧИГН СУЛ

Яшалтинск района 383-ч номертә совхоз малдан кўрм хот-хол эртәснъ белддж авс-мн уга. Ода эн совхозд нид-нәкәс үлдсн болн эн джил хурадж белдсн соломиг болн өвсиг тоолхла, цуг малмулт 50 процент хот белдсн бәәнә.

Ода кўртл малин хаша-хаас ясдж, бел кегъад уга. Үлгүрлхд, хөбнә 10 хаша ясдж белн болад уга. Июль сарла болсн ик салькнд хөбнә болн малин 20-гар хаша-син орань хамхрсмн, терүнәс мааран зөвәр цаг өнъгрдж өдв. Болв совхозин гардачнр ода чигн ясдж бел кехәр седджәхш.

Хөбдин чинәнъ му биш бәәдлтә. Болв сәәнәр оныган өгәд хәләхлә, отар болгънд эцн 150—200 толгъа хөн бәәнә. Үвлин ик киитн болад уга бәәтл, тедниг йилгъдж, талднъ сән идгәр хәрүлдж, шимтә сән хот өгч, чинәгъинъ ясрулх кергтә. Оданас эс ясрулдж, таргълулхла, үвдән ясрдж өгхн уга. Тегәд тер хөбдәс гару икәр гархмн болджана.

Совхозин хөбнә 34 бригадас 9 бригадтнъ хөбчнр дутджана. Тегәд, үвлин цагт сән хәләмдж угагъар муурад, эцәд, ик гару гарад йовх зөвтә.

Эн дуту-дундиг цаг тудәл уга эв-аргъинъ олдж, мал үвлзүүлгънд сән белдвр кех кергтә.

Совхозин цуг малмудас 40 процентнъ 4-ч фермд бәәнә. Тим олн мал эн фермд бәәсн бийнъ, зуг 15 процент хот-хол белддж. Үвлин туршар кўрм малин хот-хол эс белдсн болхла, кезә хот-хоолинъ белддж мал үвлзх газрмудур малин хот зөбддж бел кехнъ медгдджәхш.

Совхозин директорин үүлиг дааджах үр Орехов И. Ф. мал үвлзүүлгънә белдвриг ик сулар кеджәнә. Фермсин гардачнр үүрмүд Пономарев В. Д. болн Грибанов И. М. төрүц малдан хот-хол болн хаша-хаацинъ белдджәхш.

Партийн, профсоюзн болн комсомольск организацс мал үвлзүүлгънд белдвриг цаглань дуусхин төлә цуг малчнр, хөбчнр болн көдлмшчнр дунд политическ болн цәәлгъврин көдлмш таслвр уга кедж, тер дотр социалистическ дөрлдә делгрүлдж, Адр Октябрьск социалистическ революцин 40 джилин өбниг ик диилвр-мүдтәгъәр тосх—эркн төр болджана.

А. ШАЖЕН-БАТУЕВ,
383-ч номертә совхозин ах
агроном.